

154 62

Arch No 131622

1934

連風雨

印

耶穌降世一千八百五十年

M. S. 21624 1934

福音廣訓

江蘇省上海縣墨海書館印

慎訓言之足式其或侍親無暇撫幼難離遘疾病之慘但逢風雨

五類皆上或烈墨或書論明

福音廣訓

耶穌訓世一千八百五十年

福音廣訓序

夫福音廣訓一書，曷爲作也？爲教誨郡城里邑鄉曲邊鄙之人而作，揭單詞以立其要，爲理甚庸，垂鉅典以樹之型，所繫最重，納民於義路禮門，飭民以倫常日用，其道博而約，其旨微而精，其文簡而賅，無剝雜也，無支離也，即非學問淹通之士，亦瞭如指掌，凡人涵養道德，煦嫗性靈，必由積累，以致高深，必閱歲時，以臻醇備，不然，姑待苟安，淺嘗中輟，惟尙虛名，弗將實意，亦安望其成？至若居與禮拜堂相邇者，有師傅爲訓迪，有仁義爲薰陶，有言行爲模範，有教澤爲漸摩，值安息日，即可詣公堂，敬聆斯義，探奧旨而弗忘，慎訓言之足式，其或侍親無暇，撫幼難離，遘疾病之慘怛，逢風雨

之晦冥途遼勢阻跋涉未遑政重事繁摒擋勿及雖欲往聽未由如願故著是書擴其見聞養其心性為補救之方作觀摩之助凡為關河所域職守所羈者當惜流光於寸晷勤佔畢於分陰展讀此訓無異乎耳提面命口授指畫也立言立德亦在茲希聖希賢亦至易發善心於未見遏私欲於將萌庶幾上帝默佑乎彰瘝無私鑒觀不爽為惡者急深警覺以革其非為善者益勵操修以造其極俾耶穌拯爾於水火之中躋爾於光明之域此尤余之所厚望焉

廣訓目錄

論人人必求之福 一章 第一扁

論救世主祇耶穌一人 二章 第四扁

論人不信耶穌之故 三章 第五扁

論失羊歸牧 四章 第七扁

論日省修身之學 五章 第八扁

論歲終自察行為 六章 第十扁

論改過遷善當求上帝 七章 第十二扁

論惡者不得入天國 八章 第十五扁

論祈禱上帝之理 九章 第十七扁

論善人遭今世之難而受益

十章 第二十扁

論善人考終命

十一章 第二十三扁

論死至猝不及備

十二章 第二十六扁

論善人遭今世之難而受益 十章
 論善人考終命 十一章
 論死至猝不及備 十二章
 論善人遭今世之難而受益 十三章
 論善人考終命 十四章
 論死至猝不及備 十五章
 論善人遭今世之難而受益 十六章
 論善人考終命 十七章
 論死至猝不及備 十八章
 論善人遭今世之難而受益 十九章
 論善人考終命 二十章
 論死至猝不及備 二十一章
 論善人遭今世之難而受益 二十二章
 論善人考終命 二十三章
 論死至猝不及備 二十四章
 論善人遭今世之難而受益 二十五章
 論善人考終命 二十六章
 論死至猝不及備 二十七章
 論善人遭今世之難而受益 二十八章
 論善人考終命 二十九章
 論死至猝不及備 三十章

廣訓目錄終減

人人必求之福

享上帝之恩則永生

大關王謳歌二
十二章五節

第一章

嘗思禍福無門，惟人自召。是知人欲得福，在乎求與不求。知所求與不知所求而已。何則？福有真假，真福可憑，假福不足恃。可憑者，久而罔替，不足恃者，得而旋失。乃世每以真為假，以假為真者，是豈不知真之可貴者，特不知其真之為何耳。故有誤求者焉。其大畧則若步履安康，財用豐裕，爵秩顯榮，第宅闔麗，園林華茂，田陌連阡，益算延齡，子蕃孫衍之類，而不知此皆非真福，不能久存於生前，曷能安享於死後，非惟不能救靈魂，適以禍靈魂，且無論將來，即現在使爾註慮而亂心，使人嫉妒而謀害，驕奢之心，日盈諸

內盜賊偷掠時招於外。一旦垂危。凡諸所有。不能續片刻之命。一朝喪亡。又不能免地獄之刑。舉向之所謂福者。猶夢中筵宴。適口充腸。醒時依然枵腹矣。不知真福。其害有如此。試以人所當求之福言之。即上帝之恩是也。蓋上帝爲萬福之源。凡欲得福者。舍是則無以獲。永遠無疆之祉。務此自可得長生不敝之休。非如誤求之福。徒屬食色。無關靈魂。等諸禽獸也。且真福在心。豈尋常可比擬哉。直與天使之福髣髴。欲求之者。其端有四。非分類解釋。則無以明道。而人不知所適從。是以人皆欲求。而不知其求之。今夫獲罪於上帝。是爲違逆。違逆則不蒙赦罪。不蒙赦罪。則焉能得真福。苟自知罪重。日逆上帝。則當誠心。惟耶穌是賴。俾拯我出

於苦難。得上帝免罪。而寵愛日增。上帝視我如子。我視上帝爲父。聖神日導我。啟我。致洞悉真理。心地光明。衷懷舒暢。得三位一體之上帝。愛我憐我。既得上帝愛。得上帝憐。其爲真福。孰大乎。是抑人之處世。安能無過。過而不改。斯爲過矣。若有過則改。見善則遷。未有不得真福者也。况人之禍。多由私慾而生。內孽一萌。日以滋蔓。非蒙上帝翦除惡根。安能歸於至善。夫善者。福之基也。惡者。禍之胎也。惡根既除。善念即至。可以轉禍爲福矣。抑上帝之恩。爲真福之大源。胸中之善。不過真福之小源耳。羣居終日。言不及義。烏能得真福。必先得聖神感化其心。耶穌滌除其罪。然後行端履正。矩矱恒遵。安素守常。順時聽天。多行方便。廣積

陰功勿獲罪上帝，勿忤逆父母，勿違悖長上，勿侮慢貧窮，勿恃勢力，勿虐奴僕，存心樸實，出言溫和，三思而行，見利思義，如此處世，俯仰無愧，實真福也。

抑人不能久存於世，百年塵世，直如大夢，死後善者登明宮，惡者墮暗府，二者之中，必居其一。試思登明宮善歟，墮暗府善歟，請自度之。若信耶穌，死後則墮暗府，生前快樂，不過暫時，生前受苦，亦是暫時。至於離世之日，凡信從耶穌，贖罪蒙救者，脫苦厄之境，登極樂之鄉，永樂無窮，長享不盡，樂何如也。又或對徐勳書云：「今夫天雲蒸霞蔚，日月星辰繫焉，此天外之文也，而其中有無窮

之樂，無限之美，生前雖不能至，惟冀死後可以得享。凡我良朋，試思此福，豈不美乎？居恒所求之福，果能勝此乎？況此福永存不壞，魔鬼不能奪，災害末由至，縱使身爲糞粉，骨化灰塵，而真福無少損。蓋此福降自天，居乎心，故能永存也。富貴者得此福，勝於富貴也；貧賤者得此福，不復貧賤也；老者得此福，身雖不能久存於世，而此福則永存於天也；少者得此福，生免憂患，死得安樂也。吾故曰：在求與不求，知所求與不知所求而已。

天于論救世主祇耶穌一人之苦自愛之十百不三章言

舍此別無救主蓋天下人間更無錫他名可以得救者使徒行傳四章十二節

此指耶穌也言上帝憐憫世人洪恩不錫遣其子耶穌降世代世

人受苦贖罪普救靈魂我儕舍此誰歸既賴耶穌即將此靈魂託

於其手必得赦免諸罪然後獲永福蓋耶穌無所不能故也人若

自誇己能或恃祖宗庇廕或賴菩薩默佑或仗世人扶持思欲得

救則實不能蓋上帝已定耶穌為古今萬國之救主其受難之功

亦足救萬國之人萬國人當信從之其他皆無能也吾今不憚諄

諄再三相告爾曹皆有無數罪惡均有至寶靈魂若不信耶穌則

罪從何得赦靈魂從何得救永福從何得免永福從何得享勿言

我孳孳行善，可以自救，無庸求之於外，曷不思日日行善，亦不過盡分內之事，豈能贖往日之愆，勿以為祖宗功德，可以蔭我，雖有小罪，祖宗之德，足以蓋我之愆，第不思祖宗功德，尚不能自蓋其愆，猶當求救於耶穌，必賴耶穌乃得救，豈能救及子孫，勿意謂世間偶像菩薩，大慈大悲，功德無量，可以救我，然此等偶像，均不能延爾片刻生命，焉能救汝至寶靈魂，故勸世人，毋自欺，毋被人所欺，妄思得救，其能得乎，蓋上帝只簡耶穌一人為救世主，此外升天入地，遍歷人間，均無能救汝也，若能信從救世主，則生時心無歉仄，死後身躋明宮，恒與諸聖相親，永享真福，若不信從，則雖貴為天子，富有四海，亦不免沉淪之苦，自愛之士，可不知所信從哉。

論人不信耶穌之故

彼不顧而去，一往于田，一往于市。

馬太傳福音書
二十二章五節

三章

耶穌設譬示人曰，有太子婚日，王設筵宴客，酒醴既陳，珍錯具備，乃命僕從，招客赴席，無如眾怠忽，不赴筵，各治私事，王者大怒，遣兵戮此無禮者，別招他客，夫王乃上帝，太子指耶穌，婚者指聖徒，歸耶穌，如女子于歸，而無違夫子焉，筵宴指上帝大恩，賜耶穌代贖人罪，僕招客，指聖徒傳福音教人，不赴席，指世人不肯悔罪，不信耶穌，王戮其無禮者，指上帝大罰，不受道之人，今上帝命萬人去惡，謹遵救世主，世人若聽從，則可赦其罪，死後賜福，不聽，則罪莫大焉，世人往往不肯聽從，其故何哉，試言之，伏冀垂聽，世人傲

慢不信福音不一而足。有因年幼不肯信道，且云信從耶穌固佳，但我年幼待至老邁，然後悔罪亦未爲晚，不知荒坵郊野多年少之墳，若不悔罪而信耶穌，一旦天殤必墮地獄，焉能待老乎？若夫幼年爲善，則生前平康，死後安樂也。有因俗務繁冗不肯從道，且云信耶穌極善，奈我事冗必早晚治理，以爲衣食計，安得閑暇讀書祈禱悔罪？第不思信耶穌不在多時，只要心誠意實，至於衣食二字雖不可少，若三寸氣盡，即落永禍，生前飽暖何益哉？此所謂養身體而喪靈魂，吾末如之何也已。有慮他人訕笑不肯信道，且云舉世信耶穌者少，若我一人信從，恐有人訕笑，或暗中害我，不知拒耶穌是不遵上帝，諸罪之魁，莫大於此。若待人信則信，人不

信我亦不信，此不尊上帝，乃從流俗也。人可欺，天不可欺，不遵耶穌是欺天也。慮人訕笑而獲罪於天，豈智者所爲乎？有思生平正直本無大惡，雖有小過，上帝必然恕我，況我曾行善事，以功補過，足以蓋愆，奚必仗耶穌然後赦罪？第不思上帝雖有莫大之恩，亦至公至義，必不輕恕人罪。若輕赦罪，則恩與義均非平允，豈得爲至公至義耶？故上帝惟遣耶穌代人受難贖罪，庶恩義相符而彰彰矣。此上帝定救世之法，不從此法者，必不能脫罪也。至言以功補過，此心昏氣濁之臆見，不知小過實爲大罪，雖有大功未必盡善，自以爲功，雖功不賞，若此者必不得救也。有因崇拜偶像而不信道，且云我賴神明默佑，奚必更望他哉？不知爾所倚者，泥木偶

耳。倘廟宇遭火，即化灰燼，欲自保偶像而不能，豈能保世乎？況爾所供之神明，乃已死者之魂耳，其在世也，未必無罪，不過惠及於人，人感其德，故立廟以祀之，原不能救人也。有因性耽安逸，縱志侈靡，沉湎伐德，喪行敗檢，粉花蕩產，盧雉傾家，喜則揮金如土，怒則拔劍報仇，任性以行，自爲遂意，及時行樂，恐悞時光，若信耶穌，服事上帝，必棄驕樂逸遊，一言一動，不可苟率，臨財毋苟得，臨難毋苟免，早晚讀書，殷勤祈禱，何等束縛，於是憚而不爲，獨不思生前之樂有限，死後之苦無窮，眼前之樂非真樂，死後之苦乃極苦，曷不猛省也。以上數端，詞雖淺，旨則深，凡信從耶穌者，勿因人沮尼，而爲其所惑，屬在同志，當循正理，毋疑阻，毋怠忽，是則所望焉。

論失羊歸牧

爾素如歧路之羊，今歸爾司牧監督。

彼得前書二章二十五節

人對罪惡善

羊者何，喻世人也。羊迷途，猶世人喪德，歸則去而復得，迷而能悟，而人之悔罪如之。司牧監督，言耶穌普濟萬靈，如牧者統率群羊，耶穌愛人救人，如牧者牧羊也。且夫三百維群，不待垂鞭而知牧意，苟失其牧，罔知所歸，不測之禍，旋踵而至，或墮於重巖絕壑，或噬於猛獸貪狼，輕蹄短角，肢體傷殘，羶首長鬚，血肉狼藉，求生不得，救死無方，迷途之苦，有如是夫。若歸司牧，既無歧路之憂，又免失芻之患，不待垂巖而預爲防，不待獸噬而預爲護，飲之飼之，各得其宜，驅之牧之，咸得其所，回視失牧之苦，相去奚啻霄壤。曰歸。

曰歸曷容緩乎此一節喻人始不知有真理入於迷途而卒反正故喜之間嘗論之上帝化育羣生畀氣以成形賦神以帥氣於是孝弟著焉仁愛行焉信義昭焉初無邪正之分聖魔之別不必教之善而自無不善不必引之惡而自不爲惡何殊軌異途之有今也人心不正流俗愈卑迷於向往私欲蔽而真理亡人心危而道心微驕侈淫佚機巧詐僞以惡爲能忍心害理媚佛求福施惠沽名入迷途而不覺墜沉淪而莫拯思欲得救其孰能之能之者其惟耶穌乎耶穌臨世代人受罪慘罹極刑其救我者良苦其愛我者良深奈何猶執迷而不悟也今設此喻以勸人欲人悔罪遷善歸於正道指出迷途咸登樂國不猶之羊而歸於司牧監督者乎

論日省修身之學

五章

終日畏上帝

諺語傳書二十一章十七節

夫上帝造天地主民物者也何言乎終日自朝至昃至暮不遑暇逸畏之者謂無時不懣勉無刻不乾惕兢兢焉虔共寅畏弗稍踰越操守嚴於平日修爲凜於寸心佩訓言遵矩矱毋獲愆尤毋逢譴怒其禔躬進德爲何如與人不能無死死後人杳渺幽深之域不甚可憫乎故當勤寸晷惜分陰以有限之居諸補無窮之事業此亦在人善用耳我不憚諄諄以告者亦體會子日三省身之微旨也鷄鳴而起當思上帝錫我宏恩賚我繁祉不見夫甲第候門聲華消歇歌臺舞榭烟草荒涼禍機所伏往往而然災及其身罰

延於子而我獨無疾痛之顛連反室家之安聚謂非上帝所佑乎朝誦聖書玩味彞譯心口相維過勿憚改善當勇行書所紀載敢弗遵循其身心受益豈淺鮮哉夫崇奉必於居恒對越必於一室寵佑無涯頌禱靡罄洗我心淡我慮勿罹禍網勿蹈危機藉非上帝與子耶穌孰能如是且無往不在者上帝也精神所屬警歎可通啟示維嚴羹牆如見爲善遇難必拯爲惡縱欲必罰雷霆霜雹見其威甘露時雨仰其澤則我必檢身不及惟日不足見賢思齊見不賢內自省見顛沛者憫之見殘廢者傷之思我耳目聰明手足便捷豈特感恩頌德已乎平居謹慎爲懷廉節自尙舉足爲法吐詞爲經勿幸禍勿樹黨勿沉洩饕餮勿驕奢淫佚服勿不衷室

勿過靡勿言人短勿恃己長爲事必忠交友必信推之至於君撫民臣勤政士誦讀農耕耘工務業商通財凡百庶民莫不有事皆必以善爲規晝而講貫夜而計過精誠純一依賴耶穌悔罪遷善明德自新感於聖神動必以禮此修身之大畧也齊家以此治國平天下亦以此誠如是也以仁義爲勸勉以典籍爲箴規以倫常爲激發立於無過之地而納於自新之途矣夫吾人一日倥傯至於夜而載寢之床莫不身困神疲孰能廻思已過而祈禱者乎即有自覺其所行之非則曰此宴安時也必迨至平旦而後祈禱不知今夜即我生命之終亦未可知待至明日豈不悞歟我不能法古人夜以繼日又不能效古人坐以待旦乃於將寢之時熟審已

過明察是非善者勉而行惡者悔而改籌思若之何斯能遷善斯能悛惡知人力之所不能爲必得依賴耶穌祈禱上帝然後乃安斯寢不亦善歟嗚呼人壽無多流光易邁人可不憬然悟而翻然悔乎

論歲終自察行爲

六章

知屆期今宜寤矣

羅馬書十
三章一節

今夫墮志節者宴安警沉迷者挾疾何則世人冥焉若夢莫悟前非誠不知翻然悔改之何時矣乃清夜儆醒崇朝警覺舍其迷途端其趨向兢惕爲懷黽勉從事是非易轍改絃之甚速與洗心革面而自新與迴思疇昔玩日愒時而怠於爲善者亦未能澄澈本心闡明真理耳

迄今日其易逝歲聿云暮當揆已過核其等差此乃事之至要者我思除夕爲三百六旬之盡七十二候之窮椒酒薦馨桃符送歲風俗相沿毫無足取我當求耶穌錫我鴻恩以匡遷改必使罪孽

盡消而後已，必使過失見贖而後已，必使爲信稱義而後已，必使感神克欲而後已。

且夫一年中轉移莫定，變幻無常，疾病死亡，倖指難數，盛衰貧富，轉瞬皆非，時序之紛更，陰陽之消長，寒暑之運行，今昔之變易，其中治亂不可知，離聚不可知，喜樂憂患不可知，祲祥禍福不可知，此雖視若偶然，實上帝所主宰，人可不進德修業，以荷繁祉而享遐齡與？

然而禍由己召，福所弗堪，我竊自維，一日之暫，過失已多，況至終歲，更難擢髮數，罪參在上，可不懼乎？必自察覆，勿使貫盈，至於上帝，養我保我，恩無涯涘，因我篤信耶穌，昔蹈愆尤，可蒙矜宥，試以

微災，使練達其心志，降以重任，使顯著其才能，自此當易舊更新，弗遂非文過，於元日誠祈默籲，勉益加勉，實意是崇，虛文弗尚，必恒其心，至終弗易，而後可升樂國，得入明宮，非虛而難憑，乃實而可據。

嗟乎，駒隙易過，馬齒徒增，人生數十年，如泡影石光，鏡花水月，倏現倏滅耳，一旦溘焉以沒，才力聰明，付諸坏土，榮華赫奕，等若浮雲，有不悄然悲而黯然傷乎？使不加淬厲，則皓首無成，韶華難再，豈不惜哉？況元旦爲人間第一日，當思人間第一事，何爲第一事？上帝以生命賦於我，我誠心而崇事之，此第一事也。顧吾思之，我有得生命

之日，即有失生命之時，富貴榮華，聰明智慧，孰一能保我身，不賴上帝，終歸烏有，能與室家重聚乎，能與世人相接乎，至此欲悔罪而不能，欲信耶穌而不得，地獄將永受，天堂不可期，撫心自問，能不痛乎。

我著斯篇，欲少者益嚴向往，不甘樗櫟之庸材，老者彌勵操修，無念桑榆之晚景，勿淺嘗中輟，勿貌是神違，志勿墮，疑勿參，其不進於道，亦幾希矣。

論改過遷善當求上帝

我有罪求上帝憐之。

路加傳福音書
十八章十三節

七章

蓋聞謙吉九凶，報施不爽，昔非今是，儆惕宜深，其大較然也，蓋不觀稅吏祈禱之語乎，曰：我有罪，求上帝憐之，苟能是，則是效，則庶乎近矣，伊昔二人登殿祈禱，一則予智自雄，誇功不已，一則自覺愆尤，彌形歎仄，而禍福因之判，賞罰於以分，嗚呼，怙過終無成，悔改必受益，豈虛語哉，問嘗論之，吾儕為上帝所治理，所裁成，宜進德彌勤，為善弗倦，毋貳爾心，惟一上帝是主，當知典型具在，曷弗遵循，訓誡昭垂，要宜敬凜，使其蕩檢踰閑，罪可逭乎，耶穌曰：康健者，不需醫，病者需之，詞淺而旨深矣，蓋其返觀內省，早已懷慚，如

既悉病之所在，而攻以藥石，則過不憚改也。可知所係豈淺鮮與？且夫有罪者，不自知，惟上帝無不洞悉。或罪由漸積，或過易叢生，或言行有愆，或心地有虧，或行曖昧，或抱怨尤，或獨處懈潛修，或我躬少實踐，如此者，難以擢髮數。若不祈求上帝，曷以克私欲而返天良？然祈禱不虔，求亦無益。過而不改，悔亦徒然。必去其卑鄙，以就光明，捐其悔吝，以昭遜順，絕其根株，濬其源藪，則萬緣盡泯，一善潛生。以仁義爲擴充，以天良爲激勵，操此道也。雖作聖而難，然不賴耶穌，終不能造乎此。由是以觀，褒貶之權，秉於天，而遷改之念，操乎己。潛修之實，雖賴我躬，感化吾心，必由乎主。懼素守之易搖，自勤礪礪，懷白圭之有玷，愈肆濯磨。內省懷慙，返觀倍歉。

爲聖爲狂，易於轉念。作忠作孝，在乎寸衷。一朝改轍，盡滌前非，實賴上帝之助。豈不善夫？從此而心期徙義，必使愧怍之全消。學至知非，益覺操修之彌粹。不然者，過如秋草，蔓而仍多。念若浮雲，滅而復起。雖有微善，堪稱片善，足錄。要不足以相敵己。况乎至義爲懷，大公無我者，上帝也。所秉必正直，所罰無偏私。深恩厚澤，莫可名言。自顧藐躬，徒慙形穢。念置身宇宙間，細猶草芥，蠢若蚗蠕。深恐沒世，混焉無聞。使不黽勉以求，莫救沉淪。徒與蔓草荒煙同爲湮沒耳。倘或悍然不顧，罔悟厥愆，傲辟性成，肆行無忌。以善爲無益，而弗爲。以惡爲無傷，而弗去。則吾不知其底止矣。夫人身犯王章，顯遭刑戮。爰書莫逮，無可遁逃。即飲劍餐刀，要不過一時之苦。

而無永刑。至於獲罪上帝，則天網恢恢，疎而不漏，其罰靡暨，其苦靡窮。較之犯王章者，奚啻逕庭。夫以身犯王章，猶不能逭，況上帝之震怒哉。書曰：畏天之威，于時保之。經云：在彼惡徒，必降硫火轟烈。此言震怒之大者，苟能審是，則當知棄繁華若敝屣，視富貴等浮雲，子孫之養，無非終我天年，妻孥之奉，亦祇歡於目下，不以生前富貴爲榮，而以死後慘報爲惕，信賴耶穌，誠心向道，如是何憂罪孽不能除，靈魂不能保乎。若夫人有惡念，何能遽改，悲素絲之易染，安能涅而不緇，一陷於惡，欲盡心力而出之，弗克也。必全賴主力，今人警覺，拯我罪惡之中，如脫水火之災，不矜己力，惟望主憫，撫膺長歎，感愧交集，此得救之道矣。抑人罪干天譴，則雖慈如

父子，愛如夫婦，睦如昆弟，契若友生，誰能援臂以救。若不賴耶穌之力，使自怨自艾，革面洗心，以求夫上帝，則終莫之救也。夫上帝不欲我爲善，無不欲我去惡，知我有罪，又使其子，代我贖罪，莫大之恩，曷其有極。不待我求，而已垂憫，而况求之者乎。抑人本有罪，而自以爲無罪，亦有有罪而不知有罪，亦有伐善矜功，而以爲可贖罪，亦有飾非文過，而掩其無罪，此皆不得上帝之赦也。惟曰：我有罪，求上帝憐之，則庶乎可矣。

論惡者不得入天國... 哥林多前書... 第八章... 豈不知不義者不得入上帝之國乎... 此保羅戒哥林多人語也... 上帝之國惟善人沒後得入之... 精潔瑩徹為聖所居... 備加崇飾... 更極華美... 七寶裝成... 輝煌金碧... 九重點綴... 璀璨瓊瑤... 裁析木以為幹... 截支礎而作柱... 門戶生光... 遠衢有耀... 居其間者豈不樂乎... 禔躬粹白... 何難入室而升堂... 秉質昭明... 自可探微以窮奧... 無生死... 無別離... 無疾病... 無災害... 綏安懽怵... 莫可名言... 況此天堂為賞善之所... 聖書曰... 義冕生命之冕... 又潔白之衣... 其業宏... 其位備... 其國殷實... 亦天之所以不錫善人也... 道德尊貴... 喜樂和暢... 善類相聚... 意氣交

論惡者不得入天國

第八章

豈不知不義者不得入上帝之國乎

哥林多前書第六章九節

此保羅戒哥林多人語也我且縷析條分申明其故

上帝之國惟善人沒後得入之精潔瑩徹為聖所居備加崇飾更極華美七寶裝成輝煌金碧九重點綴璀璨瓊瑤裁析木以為幹截支礎而作柱門戶生光遠衢有耀居其間者豈不樂乎

禔躬粹白何難入室而升堂秉質昭明自可探微以窮奧無生死無別離無疾病無災害綏安懽怵莫可名言況此天堂為賞善之所聖書曰義冕生命之冕又潔白之衣其業宏其位備其國殷實亦天之所以不錫善人也道德尊貴喜樂和暢善類相聚意氣交

孚使與世人相較如涇渭之分流似薰蕕之異器焉又有億兆天使及古今來聖會彥儒先知髦士同心協力事三位一體之上帝無萌媚嫉無事猜疑允宜遵其模範不可越其準繩凡此同寮各守其職各適其宜有靜謐無龐雜有安閒無急遽德無爲而治政不介而孚休養無私優游足樂非我善人其誰與歸

今夫舜蹠同途聖狂雜出欲求觀人之識者往往難之矣是宜置儀文而徵品詣畧形跡而原性情我請詳言之焉

曲學邪說妄言僞行無誠心以奉上無實意以待衆沉湎伐德饕餮無度不尚義不懷誠不守信不秉公食言背約違衆私親驕奢淫佚縱法敗度或貪財貨而設計以取或慊他人之慨而於己則

緇銖必較戀塵境之紛華溺流俗之憧擾荒怠弗敬自絕於天或設坎阱以傷人或乘機械以誘物殘酷行於骨肉昏亂及於家庭詭謀異術惑世誣民左道旁門驚人震俗或拜偶像或祀鬼神妄思徼福謗讟無窮或倚勢作威或恃強凌弱不矜鰥寡不佑善良不崇拜跪不喜祈禱辜恩違旨罪難逭矣譴怒之必加有何疑乎且若輩於世與人往來詐虞百出詭譎萬端沒後之見斥於善人宜也非不幸也原其生平不尚正教不明真道不置身於義路禮門反托足於絕域暗室欲求其入天堂也則斷斷乎難之夫不能入天堂則必墮地獄沒後爲善爲惡之報只此兩途耳

我不惜齒牙之餘論爲爾儕諄諄告者亦求爾儕遷善改過所爲

無玩愒，有不被上帝之恩者鮮矣。教曰：不輟，意甚深矣。恆其心，并恆其德，自勿怠而勿荒，修其業，兼修其身，必有終而有始。

晨率家人，展讀聖書，俾其敬聽，俾明真理，俾信耶穌，將見隨感而通。所求必應，泯厥思爲之跡，而世緣之憧擾，神自弗搖，安其淡定之天，而事變之紛乘，志無稍易。

雖日昃時暮，此心不倦，影衮無愧，宵旰交修，庶可得上帝之恩，而拯我出於罪惡。於是心曠神怡，皜然無滓，豈不美乎？

每值禮拜，先於一室，獨處祈禱，然後於大庭廣衆之地，端肅虔恪，所以立典型，示標準也。爲衆率，亦爲衆勸，崇事上帝，信從耶穌，反衆庶之迷途，而本身以作則，裕己學，彌裕己修，端兆民之趨向，而

奮志以成仁，意美法良，無踰于此。凡我同人，公同祈禱，露其丹誠，互相匡助，藉牧師代天宣化，而吾儕得以深荷悌懃，無片刻之或弛，無一時之偶懈，勉勉焉，德日進，善日增，功不間於煩易，念不墮於因循，感恩施之罔極，知寵佑之靡涯，旣荷栽培，宜副期望，此尤不容緩者。

祈禱不輟，其故何哉？此上帝之命也。吾人日事紛紜，孰能無過？若不追悔，愈往愈非，敢不虔祈，以俾赦免。然非賴耶穌，不能也。況天下國家，無一不受上帝之恩，感其恩，頌其德，不亦宜乎？至於斯世，變故百端，嘗我飭我，我而無具，鮮不爲所惑矣。祈禱不輟，則我中懷恬適，不啟紛爭，渾然者，至理之內縈，寂然者，一私之弗起，利害

不足以動其心，怪誕不足以浚其志，一塵不染，百物皆備，不誠善夫。

更進而思之，我之於世，如輕塵之棲弱草，與朝菌之不知晦朔，蟪蛄之不知春秋，可同日語也。而上帝無始無終，無偏無倚，無所不在，無所不知，無所不能，無所不容，至尊無上，至高莫名，顧我藐躬，有不當奉事乎？祈禱之時，不敢萌自大之心，不敢懷自義之見，自言其罪，急改其非，堅守操修，益嚴砥礪，渾融心志，勿使紛馳，出言有章，舉足爲法，待己也重，以周策己也專，以力如是而不能蒙福者，則未之有。

舟覆之求援，如腹飢之求食，有不謁蹶以圖，踴躍以趨者哉？爲時無幾，後悔難追，不深可憫乎？

且祈禱時，必賴耶穌能力，以我衷曲，達於主前，上帝庶或佑我，若夫不賴耶穌，心不虔共，念多浮僞，心口之弗符，言詞之盡妄，崇事不專，禮儀或缺，非惟無益，抑且招禍矣。

況乎我有何功，可以克告上帝，雖恒祈禱，亦爲無益，然則如何而可？吾誠告爾，必賴耶穌扶持於我，心正言順，探奧于聖經，葆真于全體，陶鎔心志，感發天良，以教化爲漸摩，以恩膏爲黽勉，以副上帝所望于人之衷懷也。苟體此意以行，不得鴻恩者，未之有也。

齊河望于人之交對出高體出意以行不齊而...
全體而體心志烈發天良以禁其...
耳舌通舌爾心則明和起林德非亦...
以平其心而所以克者...
不專斷請短短指辨悲益林且...
夫不誠則...
且論論...
無幾...
...

論善者以此世之艱難而受益

第十章

希百利書十
二章十一節

若受責時必憂而不樂後經練習則結善莫以致平康
朴作教刑所以警為惡而懲不率也若自揆生平未行不善故於
受責時中心惻怛然此皆未練習故耳特循序詳釋以發明斯義
其大旨有二請畧陳焉

夫屯遘困乏受固難堪蒙難艱貞修宜自奮况境遇無常遭逢不
一殘廢鰥寡疾病死亡室家寒素戚友飄零瘴疫難逃營謀不利
此數者無非艱難也手足壅腫耳目聾聵年傷短折精歎消亡豈
人情所樂受乎孔子云貧賤人所惡非與此意相同哉
夫信從救主敬奉上帝者品潔行芳聿修厥德揆之作善降祥之

義似宜賞延于世，罰弗及身矣。但功未滿者，操宜勵，私未淨者，行宜修。故善人受艱難，與惡人異。如僕受主鞭撻，如子受父譴責，如良葯然。雖使病者，瞑眩噴亂，究能瘳其疾也。

且上帝爲善人父，見有行不歸於正，皆不合於道者，必以艱難淬厲，使愈去惡，愈爲善。言必信，行必果，其造就豈淺鮮哉。其益之也，不必功名之特達，不必富壽之綿延，其益有五，皆係身心性命之學焉。

使其於已行之惡，則悔之，當行之善，則爲之，兢兢改過，汲汲潛修，愈深謹恪，更致提撕焉。則益之者，此其善莫以延平東。二章十一節若其眷戀繁華，櫻情財貨，惟利是視，執迷罔覺，則上帝必責之，俾

憬然徹醒焉。譬諸赤子將入井，仁人見之，有不生惻隱心乎。故上帝之於善人，困之，即所以勵之，厄之，即所以成之。使不縈擾于世情，沉淪於世故，發其性靈，破其魔障，俾知前時歡樂，回首成空。昔日崇高，一朝安在，物難自恃，富難久居，往往然也。則益之者，此其二。

若人未經憂患，未遭痰疾，則何由推己以及人。我見世之席豐履厚，身耽逸樂者，毫不憫人之困苦。故上帝於善人，苦其心志，阨其身家，使蔬食不充，簞瓢屢空，而後能矜人窮獨，慰人流離，以大有作爲焉。則益之者，此其三。

世之喜者，總難盡滅其欲，盈其德，而自義自大之心，易生。所以上

帝責之。欲使愈謙恭，愈詳慎，黽勉克己，精勤修道。如堅金之煨煉，益有輝光。如良玉之琢磨，彌昭潤澤。然後能望尊三品，價貴連城。善人之受艱難，亦若是。明至理，策純修，精美備，光華著。不既粹然無疵乎？則益之者，此其四。

善者以天堂爲家，其在此世如賓旅然。使事皆如志，則忘父母之邦矣。故必使之塊然無偶，時有匱乏，屢加屈抑。然後舍紛華，歸淡泊，思離塵寰，返樂園。上帝必拯我，出憂愁擾攘之中，而入於懽樂光明之域。則益之者，此其五。

然則善人於受難時，將何如哉？必自省自察，思上帝訓迪我，當副其期望。善宜修，過宜改，設或怙惡不悛，則日後之罰，豈能遁乎？且

宜恒忍，勿懷怨尤。今之禍患，由我自取，上帝之責我，非以難我，正以勵我也。古有若百，阨窮實甚，而無怨詞，無懟心，惟頌禱不止而已。耶穌在十字架受苦，不可名言，猶且順受其害，不與世相仇。若我不幸，不能遁天譴責，或陷人機械者，當以此爲準則，而凜然罔敢越。當日夜祈禱不輟，求免艱難。設或不能，則以恒忍助我，使入於道。保羅勉人以練習，其意深矣。勿中餒，勿自棄，勿墮其志，勿懈其修。書不云乎？我責其所愛，扑有所納，是責我者，益我也。我恒守是誠，斯可已。

我今爲善者望焉，而爲不善者勸焉。試思受難，暫已難堪，況沒後之永刑乎？必宜離惡遷善，求耶穌援手。濟我靈府，葆我神光，則可

轉禍爲福，轉敗爲功，因苦得甘，由憂致樂矣。譬之樹木，條風至而
枝葉萌，時雨降而根株茂焉。爾衆其勉哉。

論善人考終命

求主釋僕安然以逝。

路加傳福音書
二章二十九節

至尊曰主，自稱曰僕。沒世曰逝。此老者西面語也。彼見耶穌降世
贖罪，喜不自勝，曰：上帝與我年已邁，曾沐洪恩，茲見聖子耶穌來
援億兆，滌民愆尤，惠澤無窮，德音莫罄，誠不可限量矣。求上帝允
我綏康，考終正寢，升樂國，入明宮，豈不樂乎。

且夫生死兩端，其係豈淺鮮哉。初終始末，悉在於是。生，譬諸春溫，
死，譬諸秋肅。春種秋穫，理當然也。况善惡之心，殊途異轍，而苦樂
亦因之判焉。夫惡者，即不信耶穌，不敬上帝之人，故其受禍尤甚。
善人則信耶穌，敬上帝，故其蒙福不淺。禍福兩途，斷無或爽。故死

之際惡者慄然善者泰然今我特剖析其理以爲爾衆勉

夫擾擾塵寰毫無安樂豈善人桑梓之鄉與天堂乃其故土爲此
心所屬望所欣羨者是以善人於世與羈旅無異木石同居鹿豕
爲伍歷崎嶇逢艱苦徒黨紛紜不遑暇逸豈以爲安居樂業所乎
願入天堂此志豈能易哉

然其半途有巨淵相間每有不能越此者良由福祉未隆德行未
備故也善人知是途之必由也心益謹懍念弗廢弛率賦遄征彌
勤邁往在信從之初其立心已若是雖至將沒而景仰弗衰則其
操修豈不深可嘉與

二章二十次前
世賦詩音書

夫是以一息尙存此志不容少懈百年若瞬是衷曷敢或寬况乎

罰非可倖免賞非可濫邀墮地獄受永刑造天堂享永福善惡之
報如是而已此二者無並施也無兼受也所懼者災害所望者歡
娛使其不悛厥初心歸乎正道則何能追罰而受賞哉

惟有耶穌以贖人罪更賜聖神感化民心凡誠心壹志以求者無
不如響斯應故痛自怨艾則召福益加懲創則蒙休善人之行遵
上帝旨去私淨欲合理明道而作聖之途不難致矣

今且罕譬而喻焉以道作建屋觀若欲鞏固則必竭其工力厚其
址基庶可垂之永久如不過暫庇風雨聊以棲身又何必徒用精
勤爲哉善者之于道亦然使其沒後靈魂受苦無天堂可望無永
福足享則前時之兢業不成虛語乎昔有能詩者更相誇詡一曰

爾構思甚遲，我倚馬可待。一曰：爾祇能在片時，我則傳之畢世。善人修德，必要於恒，必期諸遠，與此意將毋同。其與世長辭，絕無遺憾，不爲人所難及哉。

今夫罪爲禍所叢，而善人則無惡之可錄也。德爲福所集，而善人則有善之足褒也。故於禍之臨初，無餒於福之降，若固有焉。曩者耶各寢疾，且死，命其子女，當崇拜上帝，祀謝不置。又如摩西若書亞撒毋以利政撫民，無纖垢，無微疵，終其天年，旣沒，衍靡涯之慶。又如大辟王曰：我死，身必朽，而神不散，况上帝夙有言辭，不敢隕越。我必升天堂入室，以副所望足矣。又如若百曰：形魄歸地，蟻蛭能捐，惟心恒在，對越於天。又如保羅曰：我固欲歸，與耶穌共在，爲

愈美。此數聖賢之遺訓，與西面所言，其大旨不甚相遠，推之至於後世之爲善者，何莫不然。謳歌甚豫，喜樂無量，斯道不益昭著與。善者離世，無疾病，無憂愁，不罹於人之網羅，不役於己之情欲，躋至上至高之域，享不敝不衰之業，見救世主耶穌，及古今來名賢先哲，烈士俊民，同侍上帝側，棲遲甚適，讚美弗絕，猗與休哉。壽無疆矣。福無盡矣。由是以觀，善人之視死如歸也，不甚彰彰乎。如有疑於是者，必尋譯此篇，憬然自悟，行善如弗及，則上帝必消我中餒，勵我壯往，效善者之模楷，就善者之準繩。法善者之言行，已善者益黽勉，未善者宜儆醒。設或不然，則困窮莫告，艱苦備嘗，毫無冀望，絕少綏安，必斥逐之相加，必沉淪之莫救，憂無限矣。禍無極

矣。豈不當急爲儆惕乎。

論死至猝不及備

十二章

主日將至，猶盜乘夜猝來。

提撒羅尼前書五章二節

何爲主，至尊至上，救世耶穌是已。何爲主日，上帝鞫是非，降死亡，賞善罰惡之時是已。其曰猶盜猝來，何與？言事非能逆憶也。竊思罰以彰法，賞以示恩，措置當而輕重均，褒貶嚴而偏私絕。故持推闡斯旨，以警於爾衆焉。

夫操彰瘴之權，大公至正，運循環之理，福善禍淫。災害之當及其前，猶盜賊之襲其後。况乎世人儆醒者少，沉迷者衆，不知禍之將及，不識害之將臨。譬盜倏至，升其堂，入其室，劫其貨財。若家督逆料有此，則必預爲檢察，密爲防閑。惟因自恃，毫不深省，故憂起於

不測而患乘於所忽也。乃復怨天尤人，縱欲敗度，則其罪豈能道乎。

我聞上古之時，人溺晏安，日肆嗜欲，於報施之道，昧焉不察，放僻邪侈，罔知遠慮。哪亞深切戒之，俾其去妄行而期實踐，避譴責而邀寵賚，彼仍罔悛於心，弗遷於善。一旦洪水泛濫，懷山襄陵，人民都邑，靡有孑遺，惟先哲哪亞室家相保。

又有所多馬，各摩拉二邑，多行不義，惑於鬼神之說，昧乎死生之微，賢士羅得責其過失，勉其遷改，彼不聽從，悍然罔顧，惟貪婪無藝，饕餮無度，仰宇宙之昭明，喜日光之輝耀，娛樂靡窮，謳歌自適，初不料有災祲之至也。乃硫火下墜，頃刻已焚，瞻彼雄城，頓成焦

土，獨賢士羅得及其二女，獲免於難。

又若巴比倫，白沙撒王，肆筵設席，君臣同樂，所御器皿，悉以金製，喜樂無量，歡忭靡涯，讚美其所作之偶像，曷嘗知亡國破家之相隨屬也。夫禍機伏於幾微，變象兆於倏忽，妖由人興，孽由自作，國滅身亡，徒貽人笑，是知玉帛亦寓兵戎，鼎俎亦興寇敵，盛必衰，盈必虧，有斷然也。

我今即耶蘇所言，爲世箴規焉。有爲富不仁者，土田倍於往時，財產豐於昔日，銖求無厭，蓄積饒多，室不能儲，更建倉廩，日用無匱，摧算彌工，自以爲能備五福，可享遐齡矣，不知時不轉瞬，事不旋踵，已非其所有，曩誇充裕，至此成空，昔謂贏餘，而今安在，古今來

不仁之人其受報之速罹刑之慘亦必如是。

且夫禍之於人不一矣。或戰爭劫奪以傷其身。或沉湎飽飫以戕其性。或爲詭謀所害。或因淫亂而夭。或瀆倫常而被殛。或悖天理而喪亡。或年未及長而命殞于崇朝。或事皆如志而氣絕於片刻。深可憫焉。至可危焉。

然而說者謂近世以來操行不軌者。間亦有享大年。擁高爵。席豐履厚。逸樂終其身。自人視之以爲天道之無常。天心之或爽。不知俄頃之間。報已及之。禍已隨之。天罰非可倖逃也。天意要有一定也。

善者於此。可以毅然無懼。悚然自省矣。其平居篤信耶穌。闡揚真理。固厥基。宏厥業。無玷缺。無瑕疵。雖死亦無窒礙。必謹恪焉。必黽勉焉。思人必有死。死不及料。或旅於外而死。或役於人而死。其時不知其地亦不知。當滌慮洗心。望耶穌寵佑。沐上帝恩施。潔我身體。啟我心神。此二者爲人之大本。得之者綏安。不得者困苦。必訓其家人。啟發心善。勤修吉德。日進尤彊。希慕天福。無怠荒。無藐忽。事無鉅細。必預爲備。至於旣沒。樂無涯涘。若不兢兢焉。省躬克己。終難免沉淪於暗府。則何能逍遙於明宮。然欲懽欣鼓舞於大羅。必慎獨潛修於一室。無隕越。無廢弛。領其要義。守之勿失。則可無慮矣。

